

# Sullivimmi avatangiisit pillugit aaqqissuussaanerup ilusilersorneqarsimanera pillugu Isumaqtigiissuteqarnermik iluseq

AT-ilitsersut GL.6.5 november 2023

Imarisai

- [1. Isumaqtigiissuteqarnermik iluseq](#)
- [2. Sulisut kattuffiisigut isumaqtigiissutit](#)
- [3. Suliffeqarfinni isumaqtigiissutit](#)
- [4. Suleqatigiinermik ingerlatsivik](#)
- [5. Ataatsimoorussamik isumannaallisaanermut sulisunullu sinniisoq](#)

[Sullivinnik Nakkutilliisoqarfiup ilitsersuutaat atuaruk](#)

[Pdf-inngorlugu aajuk](#)

At-ilitsersuutip suliffeqarfiiit sullivinni avatangiisiniut aaqqissuussaanermik ilusiliinerat pillugit malittarisassanik saneqqutsinissaq pillugu isumaqtigiissuteqarsinnaanermik periarfissat pillugit paasissutissiivoq.

## 1. Isumaqtigiissuteqarnermik iluseq

Kalaallit Nunaanni suliffeqarfinni isumannaallisaanermi peqqinnissallu tungaatigut suleqatigiinnejq pillugu nalunaarutikkut periarfissinneqarpoq sullivimmi avatangiisit pillugit aaqqissuussaanissamut malittarisassat suliffeqarfinit sanioqqunneqarsinnaasut. Isumaqtigiissusiornikkut saneqqunneqarsinnaasut tassatuaapput Malittarisassat AMO-mut (sullivimmi avatangiisit pillugit ilusilersugaanet) tunngasut aamma illuliortiternermi sanaartornermilu sillimaniarnermut sulinerup ilusilersugaanera pillugit malittarisassat. Allaanerusumik ilusiiinissaq pillugu isumaqtigiissuteqarnermi, suliffeqarfimmilu suliffimmilu isumaqtigiissit pillugit suleqatigiinnerup nukitorsarneqarlunilu sunniuteqarluarnerulernissaa, siunertarineqartussaavoq.

Malittarisassat saneqqunneqassappata inisisimaffinni marlunni isumaqtigiissuteqartoqassaaq:

- Sulisut kattuffiannik kattuffiinilluunniit isumaqtigiissut aamma suliffeqarfiiup imaluunniit sulisitsisup kattuffiani (sinaakkutitut isumaqtigiissut).
- Sulisitsisut suliffeqarfimmilu sulisut akornanni isumaqtigiissut (sumiiffimmilu isumaqtigiissut/suliffeqarfimmilu isumaqtigiissut).

Atuuttunngortussatut isumaqatigiissutit qanoq isumaqatigiissutiginissaat illuatungeriit namminneq aalajangissavaat. Najugaqarfinni isumaqatigiissuteqarnermik malittarisassat pioreersut suliffeqarfinni isumannaallisaanermik peqqinnissamillu suliaqarnera pillugit najugarisani isumaqatigiissutinut aallaaviusinnaapput.

Sulisut kattuffiisa aammalu suliffeqarfiup isumaqatigiissutigisaannik nassuaanerit aammalu unioqquitsinerit pillugit apeqqutit immikkoortumut sammisamut inatsisiliani malittarisassat nalinginnaasut najoqqutaralugit aalajangiiffigineqassapput.

## 2. Sulisut kattuffiisigut isumaqatigiissutit

Sulisut kattuffiisigut inissisimatitanik isumaqatigiissutit akissarsiallit kattuffiisa aamma sulisitsisut kattuffiisa akornanni isumaqatigiissutigineqartarput. Sulisut kattuffiisigut isumaqatigiissutit suliffigisap inissisimaffiani suut isumaqatigiissutigineqarsinnaanerinut killissaritanik aalajangersaasuupput. Taamaattumik isumaqatigiittooqarunnaarnerani aamma sulisut kattuffiisa suliumajunnaartoqarsimancerit aaqqiivigniartussaavaat.

Sulisut kattuffiisigut isumaqatigiissutit aamma sulisitsisunit kattuffimmi ilaasortaanngitsunit isumaqatigiissutaasinnaapput. Paarlattuanik akissarsiallit tungaannit akissarsiallit kattuffigisaataa isumaqatigiissusiortuunissa tunngavigisaavoq. Taamaallutik suliffeqarfimmi sulisusut kisimik imaluunniit kattullutik taamatut ittunik isumaqatigiissusiorsinnaanngillat.

## 3. Suliffeqarfinni isumaqatigiissutit

Suliffeqarfinni sulisut kattuffiinit isumaqatigiissuteqarfiusuni suliffeqarfimmit isumaqatigiissutit sulisitsisup sulisullu – taakkununnga ilanngullugit sulinermik siulersuisusinnaasut – akornanni isumaqatigiissutigineqartarput. Suliffeqarfimmit isumaqatigiissut sulisut kattuffiinit isumaqatigiissutaasup killissarisaata iluani inissisimassaqq.

Suliffeqarfifit suliffeqarfimmit isumaqatigiissuteqarnissamik kissaatigisaqartut sullivimmi isumannaallisaaniaqatigiit pioreersut ilisimaligaat iluaqtiginiarlugit tusarniaaviginissaat pissusissamisoorlunilu naleqquutuuvoq.

Suliffeqarfiup isumannaallisaanermik peqqinnissamillu suliai pillugit isumaqatigiissutit suliffeqarfiup iluserisaanut naapertuitissapput, taassumalu isumannaallisaanermik peqqinnissamillu sularisaanik nukittorsaallunilu sunniuteqarluartitsinerlernermut peqataaqataassalluni.

Kalaallit Nunaanni suliffeqarfifit isumannaallisaanermik peqqinnissamillu suliaat pillugit nalunaarut najoqqutaralugu sullivimmi avatangiisit pillugit aaqqissuussaanermit suliassatut isumagisassaasut aaqqissuussinermi nutaami aamma isumagineqassapput.

Suliffeqarfimmit isumaqatigiissutip suliffeqarfik tamaat ilaannaaluunniit attuumassuteqarfifigisinnaavaa – sulisut kattuffiisigut isumaqatigiissummi pineqartumi qanoq isumaqatigiittooqarsimancerosoq apeqqutaalluni. Assersuutigalugu suliffeqarfiup ilaa tassaasinnaavoq tunisassiorfik imaluunniit suliaqarfiusut ilaat. Suliffeqarfik tamarmi pineqanngikkaangat isumaqatigiissut sulisitsisup sulisullu akornanni isumaqatigiissutaasumut attuumassuteqartuusunut tunngatinneqaannartussaavoq. Suliffeqarfiup sinneranut isumannaallisaanikkut peqqinnissakkullu suliaqarfiusoq nalunaarusiam malittarisassanut naapertuuttumik aaqqissuunneqassaaq.

Isumaqtigiissutaasumi allanngortinneqarsinnaasoq tassaavoq suliffeqarfinni ataasiakkaani isumannaallisaanikkut peqqinnissakkullu suliaqarnerup aaqqissuussaasimanerata ilusilersugaanera. Taamaalillutik illuatungeriit sullivimmi avatangiisnik sulinerup ilusilerneqarsimanera nalinginnaasoq allanngortissinnaavaat, isumannaallisaanikkulli peqqinnissakkullu suliaqarnerup imarisaa nik imaluunniit assersuutigalugu taasinnittarnermik malittarisassanik allanngortitsisoqarsinnaanngilaq. Assersuutigalugu sullivimmi avatangiisit aammalu sulisut sinniisaattut suliaqarnerit inummit ataasiinnaasumik isumagineqarnissaat isumaqtigiissutigineqarsinnaapput. Taamaattorli marlunnik immikkoortinneqartunik taasisitsisoqarnissaq, sulisullu tamarmik sulisitsisunngitsut/suliffimmi pisortaanngitsut imaluunniit sulinermik siulersuisunngitsut tamarmik taasisinnaatitaanermik isumannaarsivigineqarnissaat qinigaasinnaassuseqarnissaallu piumasaqaataapput.

Suliffeqarfimmi isumaqtigiissummi nalunaarummi aalajangersaavagineqartunik suliassanik, atuuffinnik, pisussaatitaaffinnik pisinnaatitaaffinnillu sanioqqutsisoqarsinnaanngilaq.

Suliffeqarfimmi isumaqtigiissut allaganngorsimatitaassaaq. Suliffeqarfimmiissaq aamma sulisunit tamanit pissarsiarineqarsinnaassaaq.

Suliffeqarfimmit isumaqtigiissut minnerpaamik makkuninnga imaqassaaq:

- Siunissami suliffeqarfimmi isumannaallisaanermik peqqinnissamillu tigussaasumik suliaqarnerup nukittorsarlugulu pitsangorsaaviginissaanut iliuusissanik sammisaqartitsissutillu atorneqartussat nassuiarneri.
- Suliffeqarfimmi suliffeqarfimmit isumaqtigiissutaasup piviusunngortinneqarnissaanut malittaritinnissaanullu ingerlatseriaasissap nalunaarnera.
- Suliassat atuuffiusullu qanoq isumagineqarnissaasa nalunaarneri, tassunga ilanngullugit sulinermik siulersuisut sulisuuusullu sinnerisa suliassarisaat. Aaqqissuussinermut isumaqtigiissutaasumut takussutissiiffimmik imalimmik Suliffeqarfiup aaqqissuussaaneranut pilersaartut.
- Suliffeqarfimmit isumaqtigiissup qanoq allanngortillugulu atorunnaarsinneqarsinnaanerata nalunaarnera.

Suliffeqarfimmit isumaqtigiissut atorunnaarsinneqarpat suliffeqarfiup isumannaallisaanermut peqqinnissamullu suliap aaqqissuunneqarnera pillugu suliffeqarfimmi avatangiisintut inatsisit malittarisassaanik malinnileqqinnissaanik isumaqarpoq.

Sullivinnik Nakkutilliisoqarfik isumaqtigiissut pillugu nalunaaruteqarfigineqassanngilaq.

## 4. Suleqatigiinnermik ingerlatsivik

Suleqatigiinnermik ataatsimiitiat, sulisitsisut, sulisuuusut aamma sullivimmi avatangiisit pillugit aaqqissuussaanerup akornanni suleqatigiinneq nukittorsarniarlugu isumannaallisaanermik peqqinnissamillu sulineq suleqatigiinnermik ingerlatsinermit isumagineqarsinnaavoq. Tamanna pillugu isumaqtigiissuteqartoqassaaq, isumaqtigiissutillu qulaani pineqartutut piumasaqaatit piviusunngortissavai.

Suliffeqarfimmi isumannaallisaanermik peqqinnissamillu suliaqarnerup nukittorsarneqarlunilu sunniuteqarluarnerulernissaa piumasaqaataavoq. Aammattaaq suliffeqarfimmi isumannaallisaanermik

peqqinnissamillu suliaqarnermik inuit isumaginnittussatut toqqarneqartut suleqatigiinnermik ingerlatsivimmi sinniiseqarnissaat piumasaqaataavoq.

Suliffeqarfimmit isumaqatigiisummut suliffiup ilaannaa ilaasuuppat immikkoortortat assigiinngitsut akornanni isumannaallisaanermik peqqinnissamillu suliap qanoq ataqtigiissinneqarnissaanik isumaqatigiisummi isummertoqarnissaa isumassarsiatsialaavoq. Maani avatangiisit pillugit aaqqissuussaanerup ilaani nalunaarusiapi piumasaqaataanik malinnittumi, immikkoortullu isumaqatigiissutaasup inerneqarfisaata akornanni suleqatigiinnissaq tassani eqqarsaatigineqarpoq.

## 5. Ataatsimoorussamik isumannaallisaanermut sulisunullu sinniisoq

Sullivimmi avatangiisit pillugit aaqqissuussaanermut sinniisutut sulisunullu sinniisutut suliat inummit ataatsimit isumagineqarsinnaapput. Tamanna aamma atuuppoq tamanna pillugu isumaqatigiisuteqartoqarsimanngikkaluarpal, qinersinerilli taakku marluk immikkoortinneqartussaapput. Taamaalilluni ataasiinnarmik qinersinerinnakkut atuuffiit tamaasa inuttalerneqarsinnaanngillat. Qanorluunniit kattuffimmut attaveqartuugaluarunik sulisut tamarmik, taamaallaat sulisitsisoq, suliffimmi pisortat sulisunullu siulersuisut pinnagit, sullivimmi avatangiisut sinniisumut qinersisinnaatitaallutilu qineeqqusaarsinnaapput. Aamma sulisut kattuffimmut ilaasortaanngitsut qinersinermi peqataassapput qinerneqarsinnaallutilu. Sulisut sinniisaannut qinersinissamut malittarisassat aamma sullivinni avatangiisit pillugit sinniisumut qinersinermi nalinginnaasumik atuukkajuttuupput.

Sine Frederiksen